

摛藻堂四庫全書薈要

集部

欽定四庫全書叢要

集部

御定全唐詩卷三百五十八

六至

欽定四庫全書  
全唐詩卷三百五十六

御定全唐詩卷三百五十六

劉禹錫

更衣曲

炯炯吐香霧紅燭引至更衣處夜如何其

一作如  
何其夜

夜漫漫鄰雞未鳴寒雁度庭前雪壓松桂叢廊下點點懸紗籠滿堂醉客爭笑語嘈囂琵琶青幕中

桃源行

漁舟何招招浮在武陵水

一作垂

一作綸櫓餌信流去誤入

桃源行數里清源尋盡花綿綿踏花覓徑至洞前洞門

蒼黑煙霧生暗行數步逢虛明俗人毛骨驚仙子爭來

致詞何至此須臾皆破冰雪顏笑言

一作語

委曲問人

世間因嗟隱身來種玉不知人世

一作間

如風燭筵羞石

髓勸客食燈爇松脂留客宿雞聲犬聲遙相聞曉色葱

蘆開五雲漁人振衣走出戶滿庭無路花紛紛翻然恐

失迷

一作

鄉縣處一息不肯桃源住桃花滿溪水似鏡塵

心如垢洗不去仙家一出尋無踪至今流水一作水流山重

重

洞庭秋月行

洞庭秋月生湖心層波萬頃如一作豁鎔金一作鎔孤輪

豁

鎔金

黃金

孤輪

徐轉光不定遊氣濛濛隔寒鏡是時白露三秋中湖平  
月上天地空岳陽樓一作城頭暮角絕蕩漾已過君山東

月上

天地

空

岳陽

樓一作城

頭

暮

角

絕

蕩

漾

已

過

君

山

東

山孤一作城蒼蒼夜寂寂水月逶迤繞城白蕩漿巴童歌

孤

城

蒼

蒼

夜

寂

寂

水

月

逶

迤

繞

城

白

蕩

漿

巴

童

歌

竹枝連檣估客吹羌笛勢高夜久陰力全金一作爽氣肅

連

檣

估

客

吹

羌

笛

勢

高

夜

久

陰

力

全

金

爽

氣

肅

肅開星一作清

驪浮雲野馬歸四裔遙望星斗當中天天

雞相呼曙霞出斂影含光讓朝日日出喧喧人不閒夜

來清景非人間

九華山歌并引

九華山在池州清陽縣西南九峰競秀神采奇異  
昔予仰太華以為此外無奇愛女几荆山以為此  
外無秀及今年見九華始悼前言之容易也惜其  
地偏且遠不為世所稱故歌以大之

奇峰一見驚魂魄，意想洪爐始開闢。疑是九龍天矯欲攀天，忽逢霹靂一聲化為石。不然何至今悠悠億萬年

氣勢不死如騰山

音騫輕舉貌一音媽

雲舍幽兮月添冷，月凝暉

兮江漾影結根不得，要路津迥秀長在無人境。軒皇封禪登雲亭，大禹會計臨東溟。乘櫓

力最反山行具

不來廣樂絕

獨與猿鳥愁青熒，君不見敬亭之山黃。

一作廣

索漠兀如

斷岸無稜角，宣城謝守一作眺一首詩，遂使聲名齊五岳。

九華山无華山自是造化一尤物，焉能籍甚乎人間。

泰娘歌并引

泰娘本韋尚書家主謳者初尚書為吳郡得之命樂工誨之琵琶使之歌且舞無幾何盡得其術居一二歲攜之以歸京師京師多新聲善工於是又捐去故技以新聲度曲而泰娘名字往往見稱於貴游之間元和初尚書薨於東京泰娘出居民間久之為蘄州刺史張懸所得其後懸坐事謫居武陵郡懸卒泰娘無所歸地荒且遠無有能知其容

與藝者故日抱樂器而哭其音噍殺以悲一本此  
下有誰

字客聞之為歌其事以續於樂府云

泰娘家本閭門西門前綠水環金堤有時妝成好天氣  
走上臯一作高 橋折花戲風流太守韋尚書路傍忽見停

隼旗斗量明珠鳥傳意紺幙迎入專城居長鬟如雲衣  
似霧錦茵羅薦承輕步舞學驚鴻水榭春歌傳一作撩

客蘭堂暮從郎西入帝城中貴遊簪組香簾櫳低鬟緩  
視抱明月纖指破撥生胡風繁華一旦有消歇題劍無

光履聲絕洛陽舊宅生草萊杜陵蕭蕭松柏哀妝奩蟲  
網厚如璽博山爐側傾寒灰蘄州刺史張公子白馬新  
到銅駝里自言買笑擲黃金月墮雲中一作月從此始

安知鵬鳥座隅飛寂寞旅魂招不歸秦嘉一作家鏡有前

時結韓壽香銷故篋衣山城少人江水碧斷鴈哀猿風  
雨夕朱弦已絕為知音雲鬢未秋私自惜舉目風煙非  
舊時夢尋一作歸路多參差如何將此手行淚更灑湘

江班竹枝

龍陽縣歌

縣門白日無塵土百姓縣前挽魚罟主人引客登大隄  
小兒縱觀黃犬怒鷙鳩驚鳴繞籬落橘柚垂芳一作芬照  
窓戶沙平草綠見吏稀寂歷一作寥斜陽照縣鼓

牆陰歌

白日左右浮天潢一作光朝晡影入東西牆昔為兒童在  
陰戲當時意小覺日長東鄰侯家吹笙簧隨陰促促移  
象牀西鄰田舍乏糟糠就影汲汲春黃粱因思九州四

海外家家只占牆陰內莫言牆陰數尺間老却主人如  
等閒君看眼前光陰促中心莫學太行山

踏潮歌

并引

元和十年夏五月終風駕濤一作大風駕潮南海泛一作羨

溢南人云踏潮也率三歲一有之客或言其狀因

歌之

屯門積日無回飈滄波不歸成踏潮轟如鞭石矻且搖  
亘空欲駕鼈鼈橋驚湍蹙縮悍而騎大陵高峯失巖堯

四邊無阻音響調背負元氣掀重霄介鯨得性方逍遙  
仰鼻噓吸揚朱翹海人狂顧迭相招罽衣髽首聲曉曉  
征南將軍登麗譙赤旗指麾不敢囂翌日風回冷氣消  
歸濤納納景昭昭烏泥白沙復滿海海色不動如青瑤

白鷺兒

白鷺兒最高格毛衣新成雪不敵衆禽喧呼獨凝寂孤  
眠芊芊草久立潺潺石前山正無雲飛去入遙碧

平齊行二首

胡塵昔起薊北門河南地屬平盧軍紹襄代馬繞東岳  
驛陽孤桐削為角地形十二虜意驕恩澤含容歷四朝  
魯人皆解帶弓箭齊人不復聞簫韶今朝天子聖神武  
手握玄符平九土初哀狂童襲故事文告不來方振怒  
去秋詔下誅東平官軍四合猶嬰城春來羣鳥噪且驚  
氣如壞山墮其庭牙門大將有劉生夜半射落攬槍星  
帳中虜血流滿地門外三軍舞連臂一作舞驛騎函首  
過黃河城中無賊天氣和朝廷侍郎來慰撫耕夫滿野

行人歌

泰山沈寇六十年旅祭不享生愁煙今逢聖君欲封禪  
神使陰兵來助戰妖氛掃盡河水清日觀杲杲卿雲見  
開元皇帝東封時百神受職爭奔馳千鈞猛簾順流下  
洪波涵淡浮熊羆侍臣燕公秉文筆玉檢告天無媿詞  
當今睿孫承聖祖岳神望幸河宗舞青門大道屬車塵  
共待歲蕤翠華舉

送裴處士應制舉詩

并引

晉人襄昌禹讀書數千卷於周官小戴禮尤邃性  
是古敢言雖侯王不能卑下故與世相參差凡抵  
有位以索合行天下幾遍常歎諸侯莫可遊欲一  
見天子而未有路會今年詔書徵賢良昌禹大喜  
以為可以盡豁平生搏髀躍曰一觀雲龍庭足矣  
繇是襄三月糧而西徂咨予以七言為遊之資藉  
耳

襄生久在風塵裏氣勁言高少知己注書曾學鄭司農

歷國多於孔夫子往年訪我到連州無窮絕境終日遊

登山雨中

一作日長

試蠟屐入洞夏裏披貂裘白帝城邊又

相遇歛翼三年不飛去忽然結束如秋蓬自稱對策明

光宮人言策中說何事掉頭不答看飛鴻彤庭翠松迎

曉日鳳銜金榜雲間出

一作七

貴腰鞭立傾酒

一作間傾酒能

宰臣委佩觀搖筆古稱射策如彎弧一發偶中何時無

由來草澤無忌諱努力滿挽當亨

一作雲

衢憶得當

一作童

年識君處嘉禾驛後聯牆住垂釣釣得王餘魚踏芳共

登蘇小墓此事今同夢想間相看一笑且開顏老大希

逢舊鄰里為君扶病到方一作芳山

三鄉驛樓伏覩玄宗望女几山詩小臣斐然有

感

開元天子萬事足惟惜當時光景促三鄉陌上望仙山  
歸作霓裳羽衣曲仙心從此在瑤池三清八景相追一作

隨天上忽乘白雲去世間空一作有秋風詞

惟

城西行

城西簇簇三叛族叛者為誰蔡吳蜀中使提刀出禁來  
九衢車馬轟如一作成雷臨刑與酒杯未覆讐家白官先

請肉守吏能然董卓臍飢烏來覘桓玄目城西人散秦

階平雨洗血痕春草生

武昌老人說笛歌

武昌老人一作將七十餘手把庾令相問書自言少小一作

年學吹笛早事曹王曾賞激往年鎮戍到一作征蘄州少

楚山蕭蕭笛竹秋當時買材恣搜索典却身上烏貂裘

古苔蒼蒼封老節石上

一作孤生

飽風雪商聲五音

一作

商音五聲

隨指發水中龍應行雲絕曾將黃鶴樓上吹一聲

占盡秋江月如今老去語尤

一作興猶

遲音韻高低耳不知

氣力已微心尚在時時一曲夢中吹

西山蘭若試茶歌

山僧後檐茶數叢春來映竹抽新芽宛然為客振衣起  
自傍芳叢摘鷹觜斯須炒成滿室香便酌砌下金沙水  
驟雨松聲入鼎來白雲滿盃花徘徊悠揚噴鼻宿醒散

清峭徹骨煩襟開陽崖陰嶺各殊氣未若竹下莓苔地  
炎帝雖嘗未解煎桐君有錄那知味新芽連拳半未舒  
自摘至煎俄頃餘木蘭霑一作墜露香微似瑤草臨波色

不如僧言靈味宜幽寂采采翹英為嘉客不辭緘封寄  
郡齋瓢井銅爐損標格何況蒙山顧渚春白泥赤印走  
風塵欲知花乳清冷味須是眠雲跂石人

聚蚊謠

沉沉夏夜蘭堂開飛蚊伺暗聲如雷嘈然歛起初駭聽

殷殷若自南山來喧騰鼓舞喜昏黑昧者不分聽者惑  
露花滴瀝月上天利觜迎人著不得我一作微一作軀七尺爾  
如芒我孤爾衆能我傷天生有時不可遏為爾設幄潛  
匡牀清商一來秋日曉羞爾微形飼丹鳥

百舌吟

曉星寥落春雲低初聞百舌間關啼花樹一作枝滿空迷  
處所搖動繁英墜紅雨笙簧百囀音韻多黃鸝吞聲燕  
無語東方朝日遲遲升迎風弄景如自矜一作驚數聲不

盡又飛去何許

一作處

相逢綠楊路綿蠻宛轉似娛人

心百舌何紛紛酡顏俠少停歌聽墜珥妖姬和睡聞可

憐光景何時盡誰能低回避鷹隼廷尉張羅自不關潘

郎挾彈無情損天生羽族爾何微舌端萬變乘春暉南

方朱鳥一朝見索漠

一作寘

無言蒿下飛

飛鶯操

鶯飛杳杳青雲裏鶯鳴蕭蕭風四起旗尾飄揚勢漸高  
箭頭砉劃聲相似長空悠悠霽日懸六翮不動凝風

一作

飛煙一作飛

遊鷗翔鴈出其下慶雲清景相回旋忽聞

凝煙

大赫疑鵠鶴畏人避犬投高處俛啄無聲猶屢顧青鳥

自愛玉山禾仙禽徒貴華亭

一作山

露樸邀

一作棘

危巢向

暮時趨餡飽腹蹲枯枝遊童挾彈一麾肘

一作射

臆碎羽

分人不悲天生衆禽各有類威鳳文章在仁義鷹隼儀  
形蟠蟻心雖能戾天何足貴

秋螢引

漢陵秦苑遙蒼蒼陳根腐葉秋螢光夜空寥寂金氣淨  
千門九陌飛悠揚紛綸暉映互明滅金爐星噴燈花發  
露華洗濯清風吹低昂不定招搖垂高麗果蕙照蛛網  
斜歷璇題舞羅幌曝衣樓上拂香席承露臺前轉仙掌  
槐市諸生夜讀一作對書北窓分明辨魯魚行子東山起  
征思中郎騎省悲秋氣銅雀人歸自入簾長門帳開來  
照淚誰言向晦常自明兒童走步嬌女爭天生有光非  
自銜遠近低昂暗中見撮蚊妖鳥亦夜起一作翅如車

輪而已矣

一作人  
不見

傷秦姝行

河南房開士前為虞部郎中為余語曰我得善箏人於長安懷遠里其後開士為赤縣牧容州求國工而誨之藝工而天今年開士遺余新詩有悼佳人之句顧余知所自也惜其有良妓獲所從而不克久乃為傷詞以貽開士

長安二月花滿城插花女兒彈

一作弄

銀箏南宮仙郎下

朝晚曲頭駐馬聞新聲馬蹄逶遲心蕩漾高樓已遠猶  
頻望此時意重千金輕鳥傳消息紺輪迎芳筵銀燭一  
相見淺笑低鬟初目成蜀弦錚錚指如玉皇帝弟子韋  
家曲青牛文梓赤金簮玫瑰寶柱秋鴈行歛蛾收袂凝  
清光抽弦緩調怨且長八鸞鏘鏘渡銀漢九鶴威一作成  
鳳鳴朝陽曲終韻盡意不足餘思悄絕愁空堂從郎鎮  
南別城闕樓船理曲瀟湘月馮夷蹁躚舞渌波皎人出  
聽停絳梭北池含煙瑤草短萬松亭下清風滿

北池萬松皆容

州勝

秦聲

一作歌

一曲此時聞嶺泉嗚咽南雲

一作腸

悲堪斷來

自長陵小市東  
華零落瘴江風  
侍兒掩泣收一作  
甲鸕鷀不言愁  
玉籠博山爐中香  
自滅鏡奩塵暗同心  
結從此東山非昔遊  
長嗟人與弦俱絕

競渡曲

龍渡始於武陵及今舉楫而相和之其音咸呼云何在斯招屈之義事見圖經

沅一作江五月平堤流邑人相將浮綵舟靈均何年歌已矣哀謠振楫從此起楊桴一作擊節雷闔闔亂流齊

進聲轟然蛟龍得雨鬢鬢動蟠蛻飲河形影聯刺史臨

流褰翠幃揭竿命爵分雄雌先鳴餘勇爭鼓舞未至銜  
枚顏色沮百勝本自有前期一飛由來無定所風俗如  
狂重此時縱觀雲委江之湄綠旛夾岸照蛟室羅韞凌  
波呈水嬉曲終人散空愁暮招屈亭前水東注

翰林白二十二學士見寄詩一百篇因以答貺

一作

贈

吟君遺我百篇詩使我獨坐形神馳玉琴清夜人不語  
琪樹春朝風正吹郢人斤斲無痕跡仙人衣裳棄刀尺

世人方內欲相尋行盡四維無處覓

憶春草

春草樂天  
舞妓名

憶春草處處多情洛陽道金谷園中見日遲  
銅駝陌上迎風早河南大尹頻出難只得池塘十步看府門  
閉後滿街月幾處遊人草頭歇館娃宮外姑蘇臺  
鬱鬱芊芊撥不開無風自偃君知否西子羃裾曾拂來

樂天寄憶舊遊因作報白君以答

報白君別來已渡江南春江南春色何處好燕子雙飛

故宮道春城三百七十橋夾岸朱樓隔柳條丫頭小兒  
蕩畫槳長袂女郎簪翠翹郡齋北軒卷羅幕碧池逶迤  
遶畫閣池邊綠竹桃李花花下舞筵鋪彩霞吳娃足情  
言語黠越客有酒巾冠斜坐中皆言白太守不負風光  
向杯酒酒酣襞牋飛逸韻至今傳在人人口報白君相  
思空望嵩丘雲其奈錢塘蘇小小憶君淚點石榴腮白君

有妓近自  
洛歸錢塘

兩如何詩謝襄公贈別二首

一言一顧重重何如今日陪遊清洛苑昔年別入承明  
廬

一東一西別別何如終期大治再鎔鍊願託扶搖翔碧  
虛

唐侍御寄遊道林嶽麓二寺詩并沈中丞姚員  
外所和見徵繼作

湘西古刹雙蹲蹲羣峰朝拱如駿奔青松步障深五里  
龍宮黯黯神為閻高殿呀然壓蒼巘俯瞰長江疑欲吞

橘洲泛浮金寶動水郭繚繞朱樓騫語餘百響入天籟  
衆奇引步輕翩翻泉清石布博一作似棋子蘿密鳥韻如

簧言回廊架險高且曲新徑穿林明復昏淺流忽濁山

獸過古木半空天火痕星使雙飛出禁垣元侯餞之遊

石門紫髯翼從紅袖舞竹風松雪香溫磨遠持清瑣照

巫峽一戛驚斷三聲後靈山會中身不預吟想峭絕愁

精魂恨無黃金千萬餅布地買取為丘園

將赴汝州途出浚下留辭李相公

長安舊遊四十載鄂渚一別十四年後來富貴已零落  
歲寒松柏猶一作尚依然初逢貞元尚文主雲闕天池共

翔舞相看却數六朝臣屈指如今無四五夷門天下之

咽喉昔時往往生瘡疣聳翩舊相來鎮壓四海吐納皆

通流久別凡經幾多事何由說得平生意一作愁千思萬

慮盡如空一笑一言真可貴一作休世間何事最殷勤白

頭將相逢故人功成名遂會歸老請向東山為近鄰

平蔡州三首

蔡州城中衆心死妖星夜落照壕一作河水漢家飛將下

天來馬箚一揮門洞開賊徒崩騰望旗拜有若羣蟄驚春雷狂童面縛登檻車太白一作帛天矯垂捷書相公從

容來鎮撫常侍郊迎負文弩四人歸業閭閻小兒跳

浪一作健兒舞

跟跳

汝南晨雞喔喔鳴城頭鼓角音和平路傍老人憶舊事相與感激皆涕零老人收泣一作淚前致辭官軍入城人

不知忽驚元和十二載重一作見天寶承平時

九衢車馬渾渾流使臣來獻淮西囚四夷聞風失弋筋

一作皆失據一作失筋天子受賀登高樓妖童擢髮不足數血污

城西一杯土南峯一作烽無火楚澤間夜行不鎖穆陵

開策勲禮畢天下泰猛士按劍看恒山

時惟恒山不庭

送僧仲劖東遊兼寄至靈澈上人

釋子道成神氣閒住持曾上清涼山晴空一作清室禮拜見

真像金毛五一作五髻卿雲間西遊長安一作樂隸僧籍本

寺門前曲江碧松間白月照寶書竹下香泉灑瑤席前

時學得經論成奔馳象馬開禪扃高筵談柄一麾拂講

下門徒如醉醒舊聞南方多長

一作禪

老次第來入荆門

道荊州本自重彌

一作諸

天南朝塔廟猶依然宴坐東陽

枯樹下經行居止

一作此

故臺邊忽憶遺民社中客為我

衡陽駐飛錫講罷同尋相鶴經閒來共蠟登山屐一旦

揚眉望沃州自言王謝許

一作與

同遊憑將雜擬三十首

寄與江南湯慧休

觀棋歌送僕師西遊

長沙男子東林師閒讀藝經工奕棋有時凝思如入定

暗覆一局誰能知今年訪予來小桂方袍袖中貯新勢

山人無事秋一作愁日長白晝懵懵眠匡牀因君臨局看

鬪智不覺遲景沈西牆自從仙一作山人遇樵子直到開

元王長史前身後身付餘習百變千化無窮一作已初

疑磊落曙天星次見搏擊三秋兵鴈行布陳衆未曉虎

穴得子人皆驚行盡三湘不逢敵終日饒人損機格自

言臺閣有知音悠然遠起西遊心商山夏木陰寂寂好

處徘徊駐飛錫忽思爭道畫一作盡平沙獨笑無言心有意  
適謁謁京城在九天貴遊豪士足華筵此時一行出人  
意賭取聲名不要錢

吐綬鳥詞并序

滑州牧尚書李公以吐綬鳥詞見示兼命繼聲蓋  
尚書前為御史時所作有翰林二學士同賦之今  
所謂追和也鳥之所異具於本篇

越山有鳥翔寥廓嚦中天一作吐綬光若若越人偶見而

奇之因名吐綬江南知西明天姥神仙地朱鳥星精鍾  
異氣赤玉彫成彪炳毛紅綃翦出玲瓏翅湖煙始開山  
日高迎風吐綬盤花條臨波似染瑤琊草映葉疑開阿  
母桃花紅草綠人間事未若靈禽自然貴鶴吐明珠暫  
報恩鵲銜金印空為瑞春和秋霽野花開翫景尋芳處  
處來翠幕雕籠非所慕珠丸柘彈莫相猜棲月嚦煙凌  
縹渺高林先見金霞曉三山仙路寄遙情刷羽揚翹欲  
上征不學碧雞依井絡願隨青鳥向層城太液池中有

黃鸝憐君長向高枝宿如何一借羊角風來聽簫韶九

成曲

八月十五日夜桃源翫月

塵中見月心亦閒况是清秋仙府間  
凝光悠悠寒露墜此時立在最高山碧虛無雲風不起  
山上長松山下水羣動翛然一顧中天高地平千萬里少君引我昇玉壇  
禮空遙請真仙官雲輶欲下星斗動天樂一聲肌骨寒

金一作朝 霞昕昕漸東上輪欹影促猶頻望絕景良時難

再并他年此日應惆悵

叔父元和中徵昔事為桃源行  
後貶官武陵復為翫月作並題

於觀壁爾來星紀再周旣章故此郡仰見文字闇缺伏

慮他年轉將塵沒故鐫在貞石以期不朽太和四年旣

謹記

送鴻舉遊江南

并引

始余謫朗州爾時是師振麻衣斐然而前持文篇  
以為僧贊唧唧而清如蟲吟秋自然之響無有假  
合有足佳者故為賦二章以聲之距今年遇於建  
平赤頤益蕃文思益深而內外學益富旣訊已探

穡中出前所與詩閑之紙勞墨瘁與我同來因思  
夫冉冉之光渾渾之輪時而言有初中後之分日  
而言有今昨明之稱身而言有幼壯艾之期乃至  
一磬歎一彈指中際皆具何必求三生以異身耶  
然而視予之文昔與今有蓬櫺之別視予之書昔  
與今有鈞石之懸視予之仕昔與今乃唯阿之差  
耳豈有工拙之數存乎其間哉蓋可勉而進者與  
日月而至矣彼儻來外物雖日月無能至焉是歲

師告予遊江西復為賦七言以為遊地耳

禪客學禪兼學文出山初似無心雲從風卷舒來何處  
繚繞巴山不得去山州一作川古寺好閒居讀盡龍王宮

裏書使君灘頭揀石硯白帝城邊尋野蔬忽然登高心

贊起又欲浮杯信流水煙波浩淼魚鳥情東去三千三

百里荆門峽

一作破

斷無盤渦湘平漢闊清光多廬山霧

開見瀑布江西月淨聞漁歌鍾陵八郡多名守半是西

方社中友與師相見便談空想得

一作聾

高齋

一作聲

獅子

吼

採菱行

并引一作  
採菱女

武陵俗嗜芰菱歲秋矣有女郎盛遊於馬湖薄言採之歸以御客古有採菱曲罕傳其詞故賦之以俟採詩者

白馬湖平秋日光紫菱如錦綵鴛翔蕩舟遊女滿中央採菱不顧馬上郎爭多逐勝紛相向時轉蘭橈破輕浪長鬟弱袂動一作披參差釵影釧文一作紋浮蕩漾笑語哇

咬顧晚暉蓼花緣岸扣舷一作歸歸來共到市橋步野

蔓繫船萍滿一作薏衣家家竹樓臨廣陌下有連檣多估

客擣觴薦芰夜經過醉踏大隄相應歌屈平祠下沅江  
水月照寒波白煙起一曲南音此地聞長安北望三千

里

和牛相公南溪醉歌見寄

脫屣將相守冲謙惟於山水獨不廉枕伊背洛得勝地  
鳴臯少室來軒簷相形面勢默指畫言下變化隨顧瞻

清池曲榭人所致野趣幽芳天與添有時轉入潭島間  
珍木如幄藤為簾忽然便有江湖思沙礫平淺草纖纖  
怪石釣出太湖底珠樹移自天台尖崇蘭迎風綠泛蠡  
坼蓮舍露紅簾櫳脩廊架空遠岫入弱柳覆檻流波霑  
渚蒲抽芽一作英劒脊動岸荻迸笋錐頭鈍攜觴命侶極  
永日此會雖數心無厭人皆置莊身不到富貴難與逍  
遙兼惟公出處得自在決就放曠辭炎炎座賓盡歡恣  
談謔媿我掉頭還奮髯能令商於多病客亦覺自適非

沉潛

和浙西李大夫霜夜對月聽小童吹觱篥歌依本韻

海門雙青暮煙歇萬頃金波湧明月侯家小兒能觱篥  
對此清光天性發長江凝練樹無風濶慄一聲霄漢中  
涵胡畫角怨邊草蕭瑟清蟬吟野叢冲融頓挫心使指  
雄吼如風轉如水思婦多情珠淚垂仙禽欲舞雙翅起  
郡人寂聽衣滿霜江城月斜樓影長纔驚指下繁韻息

已見樹杪明星光謝公高齋吟激楚戀闕心同在羈旅  
一奏荆人白雪歌如聞雒客扶風鄙吳門水驛接山陰  
文字殷勤寄意深欲識陽陶能絕處少年榮貴道傷心

歎水別白二十二

一韻至七韻

水至清盡美從一勺至千里利人利物時行時止道性  
淨皆然交情淡如此君遊金谷堤上我在石渠署裏兩  
心相憶似流波潺湲日夜無窮已

同留守王僕射各賦春中一物從一韻至七

鶯能語多情春將半天欲明始逢南陌復集東城林疎  
時見影花密但聞聲營中緣催短笛樓上來定哀箏千  
門萬戶垂楊裏百轉如簧煙景晴

傷我馬詞

生於磧壁善馳走萬里南來困丘阜青菰寒菽非適口  
病聞北風猶舉首金臺已平骨空朽投之龍淵從爾友

清湘詞

一作瀟  
湘曲

二首

湘水流湘水流九疑雲物至今愁君問二妃何處所零

陵香草雨一作露  
中收

斑竹枝斑竹枝淚痕點點寄相思楚客欲聞瑤瑟怨瀟  
湘深夜月明時

和樂天春詞依憶江南曲拍為句

春去也多謝洛城人弱柳從風疑舉袂蘭衰露似霑  
巾獨坐亦含嚬

春過也笑惜豔陽年猶有桃花流水上無辭竹葉醉樽  
前惟待見青天

澤宮詩 四言

秩秩澤宮有的維鵠祁祁庶士於以干祿彼鵠斯微若  
止若翔千里之差起於毫芒我矢既直我弓既良依於  
高墉因我不臧高墉伊何維器與時視之以心誰謂鵠  
微

酬令狐相公六言見寄

六言

已嗟別離太遠更被光陰苦催吳苑燕辭人去汾川鴈  
帶書來愁吟月落猶望憶夢天明未回今日便令歌者

唱兄詩送一杯

答樂天臨都驛見贈

六言

北固山邊波浪東都城裏風塵世事不同心事新人何似故人

再贈樂天

六言

一政政官軋軋一年年老骎骎身外名何足算別一作到

來詩且同吟

酬楊侍郎憑見寄

六言

十年毛羽推頹一旦天書召回看看瓜時欲到故侯也  
好歸來

御定全唐詩卷三百五十六

欽定四庫全書  
欽定全唐詩卷一萬七千七百六十二

集部

御定全唐詩卷三百五十七

劉禹錫

春有情篇

為問遊春侶春情何處尋花舍欲語意草有鬪生心雨  
頻催發色雲輕不作陰縱令無月夜芳興暗中深

七夕二首

河鼓靈旗動嫦娥破鏡斜滿空天是幕徐轉斗

一作地

為

車機罷猶安石橋成不礙槎誰一作寧知觀津女竟夕望

雲涯

天衢啓雲帳神

一作  
儂

馭上星橋初喜渡河漢頻驚轉斗

杓餘霞張錦幃

一作  
幙

輕電閃紅綃非是人間世還悲後

會遙

邊風行

邊馬蕭蕭鳴邊風滿碛生暗添弓箭力斗

一作半

上鼓鼙

聲襲月寒暉起吹雲陰陣成將軍占氣候出號夜翻營

一作安號  
畏翻城

送工

一作部蕭郎中

一作侍郎

刑部李郎中並以本

官兼中丞分命充京西京北覆糧使

霜簡映金章相輝同舍郎天威巡虎落星使出駕行尊  
組成全策京城閱見糧歸來虜塵滅畫地奏明光

送太常蕭博士棄官歸養赴東都

時元兄罷相為少師仲兄

為郎官並  
分司洛邑

兄弟盡鴛鴦歸心切問安貪榮五綵服遂掛兩梁冠侍

膳曾調鼎循陔更握蘭從今別君後長憶一作向德星看

送河南皇甫少尹赴絳州

祖帳臨周道前旌指晉城午橋羣吏散亥字老人迎詩

酒同行

一作每同

樂別離方見情從此洛陽社吟詠屬書生

發華州留別張侍御

一作

霄

束簡下延閣買符驅短轍同人惜分袂結念醉芳樽切

切別弦急蕭蕭征騎

一作馬

煩臨岐無限意相視却忘言

張詩云夫子生知者相期

妙理中遂有忘言之句

奉送家兄歸王屋山隱居二首

據道書王屋山一名洛陽山一

作陽山

洛陽一作陽天壇上依稀似玉京夜分先見日月靜遠一作  
忽聞笙雲路將雞犬丹臺有姓名古來成道者兄弟亦

同行

春來山事好歸去亦逍遙水淨苔莎色露香芝朮苗登  
臺吸瑞景飛步翼神飈願薦墳篋曲相將學玉簫

送王師魯一作曾協律赴湖南使幕

即永穆公之孫

羽翩翩馬上郎驅傳渡三湘橘樹沙洲暗松醪酒肆香素  
風傳竹帛高價聘琳瑯楚水多蘭芷一作若何人事寥一作

擷芳

送趙中丞自司金郎一作司直郎轉官參山南令狐

僕射幕府

趙氏兄弟皆僕射門客

綠樹滿褒斜西南蜀路賒驛門臨白草

一作經赤縣縣道入

一作道路過黃花相府開油幕門生逐絳紗行看布政後還

從入京華

送盧處士歸嵩山別業

世業嵩山

一作陽

隱雲深無四鄰藥爐燒姹女酒甕貯賢

人晚

一作曉

日華陰霧秋風函谷塵送君從此去鈴閣少

談賓

洛中送崔司業使君扶侍赴唐州

綠野芳城路殘春柳絮飛風鳴驃驥馬日照老萊衣洛  
苑魚書至江村鴈戶歸相思望淮水雙鯉不應稀

送李友路秀才赴舉

誰憐相門子不語望秋山生長綺紈內辛勤筆硯間榮  
親在名字好學棄官班佇俟明年桂一作社高堂開笑顏

送從弟郎中赴浙西

并引

社高堂開笑顏

從弟三復十餘年間凡三為浙右從事往年主公  
入相薦駁登朝中復從公鎮南未幾而罷昨以尚  
書外郎奉使至洛旋承新命改轅而東三從公皆  
在舊地徵諸故事夐無其倫故賦詩贈之亦志異  
也

銜命出尚書新恩換使車漢庭無右者梁苑重歸歟又  
食建業水曾依京口居共經何限事賓主兩如初

送元一作元曉上人歸稽亭

重疊稽亭路山僧歸獨行遠峰斜日影本寺舊鐘聲徒  
侶問新事煙雲愴一作含別情應誇乞食處踏遍鳳凰城

贈別君素上人詩并引

曩予習禮之中庸至不勉而中不思而得悽然知  
聖人之德學以至於無學然而斯言也猶示行者

以室廬之奧耳求其徑術而布武未易得也晚讀  
佛書見大雄念佛之普級寶山而梯之高揭慧火  
巧鎔惡見廣疏便門旁束邪徑其所證入如舟沿  
川未始念於前而目遠矣夫何勉而思之耶是余  
知突奧於中庸啓鍵關於內典會而歸之猶初心  
也不知余者謂予因而後援佛謂道有二焉夫悟  
不因人在心而已其證也猶暗人之享太牢信知  
其味而不能形於言以聞於耳也口耳之間兼寸

耳尚不可使聞他人之不吾知宜矣開士君素偶  
得余於所親一麻栖草千里來訪素以道眼視予  
予以所視視之不由陞級攜手智地居數日告有  
得而行乃為詩以見志云

窮巷惟秋草高僧獨扣門相歡如舊識問法到無言水  
為一作與風生浪珠非塵可昏悟一作去來皆是道此別不

銷魂

送深法師遊南岳

上人本住

資聖寺

師在白雲鄉名登

一作高

善法堂十方傳句偈八部會壇

場飛錫無定所寶書留舊房惟應銜果

一作草

鴈相送至

衡陽

贈別約師

并引

荊州人文約市井生而雲鶴性故去葷為浮圖生  
悟而證入南抵六祖初生之墟得遺教甚悉今年  
訪余于連州且曰貧道昔浮湘川會柳儀曹謫零  
陵宅於佛寺幸聯棟而居者有年由是時人大士

得落耳界夫聞為見因今日之來曩時之因耳時

儀曹牧柳州與八句贈別

師逢吳興守

一作寺

相伴住禪扃春雨同裁樹秋燈

一作風

對講經廬山曾結社桂水遠揚船話舊還惆悵天南望

柳星

秋日過鴻舉法師寺院便送歸江陵

并引

梵言沙門猶華言去欲也能離欲則方寸地虛虛而萬象入人必有所泄乃形乎詞詞妙而深者必

依於聲律故自近古而降釋予以詩聞於世者相  
踵焉因定而得境故翛然以清由慧而遣辭故粹  
然以麗信禪林之觴萼而戒河之珠璣耳初鴻舉  
學詩於荆郢間私試竊詠發於餘習蓋榛楓之翠  
羽弋者未之眄焉今年至武陵二千石始奇之有  
起予之歎以方袍親絳紗者十有餘旬繇是名稍  
聞而藝愈變閏八月余步出城東門謁仁祠而鴻  
舉在焉與之言移時因告以將去且曰負道雅聞

東諸侯之工為詩者莫若武陵今幸承其語言如  
得法印寶山之下宜有所持豈徒衣械之中衆花  
而已余聞是說乃叩商而吟成一章章八句郡守  
以坐嘯餘詠激清徵而應之師其行乎足以資一  
時之學矣

看一作學長廊遍尋僧一徑幽小池兼鶴淨古木帶蟬  
秋客至茶煙起禽歸講席收浮杯明日去相望水悠悠

春日退朝

紫陌夜來雨南山朝下看戟枝迎日動閣影助松寒瑞

氣轉一作絀穀遊光泛一作浮波瀾御溝新柳色處處拂

卷

歸鞍

蜀先主廟

漢末謠黃牛白  
腹五銖當復

天地

一作下

英雄氣千秋尚凜然

勢分三足鼎業復五銖

錢得相能開國生兒不象賢淒涼蜀故妓來舞魏宮前

經東都安國觀九仙公主

一作九公子

舊院作

仙院御溝東今來事不同門開青草日樓閉綠楊風將

犬一作火昇天路披雲一作霓赴月宮武皇曾駐蹕親問主  
人翁

觀八陣圖

軒皇傳上略蜀相運神機水落龍蛇出沙平鵝鸞飛波  
濤無動勢鱗介避餘威會有知兵者臨流一作岐指是非

八月十五日夜翫月

天將今夜月一遍洗寰瀛暑退九霄淨秋澄萬景清星  
辰讓光彩風露發晶英能變人間世翛然是玉京

大和戊申歲大有年詔賜百寮出城觀秋稼謹  
書盛事以俟采詩者

長安銅雀鳴秋稼與雲平玉燭調寒暑金風報一作順  
成川原呈上瑞恩澤賜閒行欲反一作重一作及一作振  
城掩猶

聞歌吹一作舞聲

金陵懷古

潮滿冶一作城渚日斜征虜亭蔡一作洲新草綠幕府  
舊煙青興廢由人事山川空地形後庭花一曲幽怨不

堪聽

晝居池上亭獨吟

日午樹陰正獨吟  
池上亭靜看蜂教誨  
閒想鶴儀形  
法酒調神氣  
清琴入性靈  
浩然機已息  
几杖復何銘

分司東都  
家襄陽  
李司徒相公書問因以奉寄

早一作蚤  
添金馬客晚一作暮  
為商洛翁知名四海內多病  
一生中舉世往還盡何人心事同  
幾時登峴首恃一作懷

舊揖三公

門下相公榮加冊命天下同歡忝沐眷私輒感

申賀

冊命出宸衷官儀自古崇特膺平土拜光贊格天功一作  
宮再佩扶陽印常乘鮑氏驄七賢遺老在猶得詠清風  
病中一二禪客見問因以謝之

勞動諸賢者同來問病夫添爐烹雀一作擣雞

舌灑水淨龍

鬚身是芭蕉喻行須筇竹一作竹杖

扶醫王有妙藥能乞一

丸無

秋江晚泊

長泊起秋色空江涵霽暉暮霞千萬狀賓鴻次第飛古  
戍見旗迥荒村聞犬稀軻一作峨船上客勸酒夜相依

步出武陵東亭臨江寓偶一作望

鷹至感風候霜餘變林麓孤颿帶日來寒江轉沙曲戍  
搖旗影動津晚櫓聲促月上彩霞收漁歌遠相續

秋日送客至潛水驛

候吏立沙際田家連竹溪楓林社日鼓茅屋午時雞鵠

噪晚禾地蝶飛秋草畦驛樓宮樹一作  
榭近疲馬再三嘶

湖州崔郎中曹長寄三癖詩自言癖在詩與琴  
酒其詞逸而高吟詠不足昔柳吳興亭臯隴首  
之句王融書之白團扇故為四韻以謝之

視事畫屏中自稱三癖翁管弦泛春渚旌旆拂晴虹酒  
對青山月琴韻白蘋風會書團扇上知君文字工

為郎分司寄上都同舍

籍通金馬門家在銅駝陌省闥畫無塵宮樹朝一作  
遠疑

碧荒街淺深轍

一作荒階  
蘇淺深

古渡潺湲石惟有高丘雲堪

誇早朝客

登陝州北樓却憶京師親友

獨上百尺樓目窮思亦

一作愁

初日偏露草野田荒悠

悠塵息長道白林清宿煙收回首雲深處永懷鄉舊遊

一作帝

鄉遊

途中早發

中庭望啓明促促事晨征寒樹鳥初

一作如

動霜橋人未

行水流白煙起日上彩霞生隱士應高枕無人問姓名

陝州河亭陪韋五大夫雪後眺望因以留別與

韋有布衣之舊一別二紀經遷貶而歸

雪霽太陽津城池表裏春河流添馬頰原色動龍鱗萬

里獨歸客一杯逢故人登

一作因

高向西望關路正飛塵

城東

一作中

閒遊

借問池臺主多居要路津千金買絕境永日屬閒人竹  
逕紫紺入花林委曲巡斜陽衆客散空鎖一園春

罷郡歸洛陽閒居

十年江海守旦夕有歸心及此西還日空成東武吟花  
間數杯酒月下一張琴聞說功名事依前惜寸陰

晚泊牛渚

蘆葦晚風起秋江鱗甲生殘霞忽變

一作忽改

色遊雁有餘

聲戍鼓音響絕漁家燈火明無人能詠史獨自月中行

宿誠禪師山房題贈二首

宴坐白雲端清江直下看來人望金刹講席繞香壇虎

嘯夜林動鼈鳴秋澗寒衆音徒一作從起滅心在淨一作定

中觀

不出孤峰上人間四十秋視身如傳舍閱世似一作甚東

流法為因緣立心從次第修中宵問真偈有住是吾憂

贈澧州高太夫司馬霞寓

前年牧

一作收

錦城馬蹋血泥行千里追戎首三軍許勇

名殘兵疑鶴唳空壘辯鳥聲一誤雲中級南遊湘水清

聞董評事疾因以書贈

董生奉  
內典

繁露傳家學青蓮譯梵書火風乘四大文字廢三餘歌

枕畫眠靜

一作晚

折巾秋鬢疎武皇思視草誰許茂陵居

詠庭梅寄人

一作庭梅  
詠寄人

蚤花常犯寒繁實常苦酸何事上春日坐令芳意闌天  
桃定相笑遊妓肯回看君問調金鼎方知正味難

德宗神武孝文皇帝挽歌二首

出震清多難乘時播大鈞操弦調六氣揮翰動三辰運  
偶升天日哀深率土人瑤池無轍迹誰見屬車塵

鳳翫擁銘旌威遲異吉行漢儀陳祕器楚挽咽繁聲駐  
綺辭清廟凝笳背直城惟應留一作晉內傳知是向蓬瀛

敬宗睿武昭愍孝皇帝挽歌三首

寶歷方無限仙期忽有涯事親崇漢禮傳聖法殷家晚  
出芙蓉闕春歸棠棣華玉輪今日動不是畫雲車

任賢勞夢寐登位富春秋欲遂東人幸一作行寧虞杞國

憂長楊收羽騎太液泊龍舟惟有衣冠在年年愴月遊  
講學金華殿親畔鈞盾田侍臣容諫獵方士信求一作遊

仙虹影俄侵日龍鬚不上天空餘水銀海長照夜燈前

文宗元聖昭獻孝皇帝挽歌三首

繼體三才理承顏九族親禹功留海內殷歷付天倫調

露曲常在秋風詞

一作調

尚新本支方百代先讓棣華春

月落宮車動風淒儀仗閒路惟瞻鳳翫人尚想龍顏御

宇方無事乘雲遂不還聖情悲望處沉日

一作見日

下

西山

享國十五載升天千萬年龍鑣仙路遠騎吹禮容全日

下初陵外人悲舊劍前周南有遺老掩淚望秦川

故相國燕國公于司空挽歌二首

彫弓封舊國黑消繼前功十年鎮南雍九命作司空池  
臺樂事盡簫鼓葬儀雄一代英豪氣曉散白楊風

陰山貴公子來葬五陵西前馬悲無主猶帶朔風嘶漢

水晉一作青山郭襄陽白銅鞮至今有遺愛日暮人悽淒

傷丘中丞

并引

河南丘絳有詞藻與余同升進士科從事鄴下不

幸遇害故為傷詞

鄴下殺才子蒼茫冤氣凝枯楊映漳水野火上西陵馬  
鬣今無所龍門昔共登何人為弔客惟是有青蠅

河南觀察使故相國袁公挽歌三首

五驅龍虎節一入鳳凰池令尹自無喜羊公人不疑天  
歸京兆日葉下洞庭時湘水秋風至淒涼吹素旗

丹旐發江皋人悲雁亦號湘南罷亥市漢上改詞曹袁  
墓雙碑立尊名一字褒嘗聞平楚獄為報里門高

返葬三千里荆衡達帝畿逢人即一作多故吏拜奠盡沾

衣地得青鳥相賓驚白鶴飛五一作羊公碑尚在今日亦

同歸

哭王僕射相公

名播時兼  
鹽鐵暴薨

子侯

一作于侯  
一作子輿

一日病滕公千載歸門庭

一作颯

愴已變

風物澹無輝羣吏謁新府舊賓沾素衣歌堂忽暮哭賀

雀盡驚飛

傷韋賓客

自工部尚書除賓客  
一作傷韋賓客縝

韋公八十餘位至六尚書五福惟無富一生誰得如桂

枝攀最

一作收實

久蘭省出仍初海內時流盡何人動素車

再經故元九相公宅池上作

故池春又至一到一傷情雁鴦羣猶下蛙

螟一作衣已

生竹叢身後長臺勢雨來傾六尺孤安

一作猶

在人間未

有名

請告東歸發灞橋却寄諸僚友

征徒出灞涘回首傷如何故人雲雨

一作水

散滿目山川

多行車無停軌流景同迅波前歡漸成昔感歎益勞歌

初至長安

時自外郡再授郎官

左遷凡二紀重見帝城春老大歸朝客平安出嶺人每  
行經舊處却想似前身不改南山色其餘事事新

歲杪將發楚州呈樂天

楚澤雪初霽楚城春欲歸清淮變寒色遠樹舍清暉原  
野已多思風霜潛減一作滅威與君同旅雁北向刷毛衣

鶴歎二首

并引

友人白樂天去年罷吳郡挈雙鶴離以歸余相遇

于楊子津閣

一作開

玩終日翔舞調態一符相書信

華亭之尤物也今年春樂天為秘書監不以鶴隨

置之洛陽第一旦予入門問訊其家人鶴軒然來

睨如記相識徘徊俯仰似含情顧慕填膺而不能

言者因作鶴歎以贈樂天

寂寞一雙鶴主人在西京故巢吳苑樹深院洛陽城徐  
引竹間步遠舍雲外情誰憐好風月鄰舍夜吹笙

東鄰即王

丹頂宜承日霜翎不染泥愛池能久立看月未成棲一  
院春草長三山歸路迷主人朝謁早貪養汝南雞

答白刑部聞新蟬

蟬聲未發前已自感流年一入淒涼耳如聞斷續弦晴  
清依露葉晚急畏霞天何事秋卿詠逢時亦悄然

和裴相公寄白侍郎求雙鶴

皎皎華亭鶴來隨太守船

白君罷吳郡太  
守携雙鶴來

青雲意長在

一作青雲  
長在意  
滄海別經年  
留滯清洛苑  
裴回明月天  
何如

鳳池上雙舞入祥煙

終南秋雪

南嶺見秋雪  
千門生早寒  
閒時駐馬望高處  
卷簾看霧散  
瓊枝出日斜  
鉛粉殘偏宜曲江  
上倒影入清瀾

和樂天早寒

雨引苔侵壁  
風驅葉擁堦  
久留閒客詰宿請  
老僧齋酒甕  
新陳接書籤  
次第排翛然  
自有處搖落不傷懷

曲江春望

鳳城煙雨歇萬象含佳氣酒後人倒狂花時天似醉三

春車馬客一代鱗華地何事獨傷懷少年曾得意

同樂天和微之深春二十首

同用家花  
車斜四韻

何處深春好春深萬乘家宮門皆映柳輦路盡穿花池  
色連天漢城形象帝車旌旗暖風裏獵獵向西斜

何處深春好春深阿母家瑤池長不夜珠樹正開花橋  
峻通星渚樓暄近日車層城十二闕相對日西一作玉梯斜

何處深春好春深執政家恩光貪捧日貴重不憚花玉  
饌堂交印沙隄柱礙車多門一已閉直道更無斜

何處深春好春深大鎮家前旌光照日後騎廄成花節  
院收衙隊毬場簇看車廣筵歌舞散書號夕陽斜

何處深春好春深貴戚家櫨嘶無價馬庭發有名花欲  
進宮人食先薰命婦車晚歸長帶酒冠蓋任傾斜

何處深春好春深恩澤家爐添龍腦炷綏結虎頭花賓  
客珠成履嬰孩錦縛車畫堂簾幕外來去燕飛斜

何處深春好春深京兆家人眉新柳葉馬色醉桃花盜  
息無鳴鼓朝回自走車能令帝城外不敢逕由斜

何處深春好春深刺史家夜闌猶命樂雨甚亦尋花傲  
客多憑酒新姬苦上車公門吏散後風擺戟衣斜

何處深春好春深羽客家芝田繞舍色杏樹滿山花雲  
是淮王宅風為列子車古壇操簡處一逕入林斜

何處深春好春深小隱家芟庭留野菜撼樹去狂花醉  
酒一千日貯書三十車雉衣從露體不敢有餘斜

何處深春好春深富室家惟多貯金帛不擬負鶯花國  
樂呼聯轡行厨載滿車歸來看理曲燈下寶釵斜

何處深春好春深豪士家多沽味濃酒貴買色深花已  
臂鷹隨馬連催妓上車城南踏青處村落逐原斜

何處深春好春深貴胄家迎呼偏熟客揀選最多花飲  
饌開華幄笙歌出鈿車興酣樽易罄連瀉酒瓶斜

何處深春好春深唱第家名傳一紙榜興管九衢花薦  
聽諸侯樂來隨計吏車杏園拋曲處揮袖向風斜

何處深春好春深少婦家能偷新禁曲自剪入時花追  
逐同遊伴平章貴價車從來不墮馬故遣髻鬟斜

何處深春好春深幼女家雙鬟梳頂髻兩面繡帛花妝  
壞頻臨鏡身輕不占車鞚韁爭次第牽拽綵繩斜

何處深春好春深蘭若家當香收柏葉養蜜近梨花野  
逕宜行樂遊人盡駐車菜園籬落短遙見桔槔斜

何處深春好春深老宿家小欄圍蕙草高架引藤花四  
字香書印三乘壁畫車遲回聽句偈雙樹晚陰斜

何處深春好春深種蒔家分畦十字水接樹兩般花櫛  
比裁籬槿咿啞轉井車可憐高處望幕布不曾斜

何處深春好春深稚子家爭騎一竿竹偷折四鄰花笑  
擊羊皮鼓行牽犢領車中庭貪夜戲不覺玉繩斜

贈眼醫婆羅門僧

三秋傷望眼一作遠望終日哭一作泣途窮兩目今先暗中年

似老翁看朱漸成碧羞日不禁風師有金篦術如何為

發蒙

海門潮別浩初師

一作送如智法師遊  
辰州兼寄許評事

前日過蕭寺看師上講筵都人禮白足施者散金錢方

便無非教經行不廢禪還一作知習居士發論侍

一作遙待

彌天

御定全唐詩卷三百五十七

欽定四庫全書  
欽定全唐詩卷一百五十八

御定全唐詩卷三百五十八

劉禹錫

始聞蟬有懷白賓客去歲白有聞蟬見寄詩云  
祗應催我老兼遣報君知之句

蟬韻極清切始聞何處悲人舍不平意景值秋時此  
歲方晚晚誰家無別離君言催我老已是去年詩

贈樂天

一別舊遊盡相逢俱涕零在人雖晚達於樹似冬青痛飲連宵醉狂吟滿坐聽終期拋印綬共占少微星

到郡未浹日登西樓見樂天題詩因即事以寄

樂天自此郡  
謝病西歸

湖上收宿雨城中無畫塵樓依新柳貴池帶亂苔春雲水正一望簿書來繞身烟波洞庭路愧彼扁舟人

秋夕不寐寄樂天

洞戶夜簾卷華堂秋簟清螢飛過池影蛩思繞階聲老

枕知將雨高窓報欲明何人諳此景遠問白先生

冬日晨興寄樂天

庭樹曉禽動郡樓殘點聲燈挑紅燼落酒煖白光生髮  
少嫌梳利顏衰恨鏡明獨吟誰應和須寄洛陽城

答樂天見憶

與老無期約到來如等閒偏傷朋友盡移興子孫間筆  
底心無毒杯前膽不狹呼關切頑也亦作癡惟餘憶君夢飛過武

和樂天謂失婢榜者

把鏡朝猶在添香夜不歸鴛鴦拂瓦去鸚鵡透籠飛不  
逐張公子即隨劉武威新知正相樂從此脫青衣

八月十五日夜半雲開然後覩月因書一時之

景寄呈樂天

半夜碧雲收中天素月流開城邀好客置酒賞清秋影  
透衣香潤光凝歌黛愁斜輝猶可翫移宴上西樓

西樓白居

易常賦詩之所也

秋日書懷寄白賓客

州遠雄無益年高健亦衰興情逢酒在筋力上樓知蟬噪芳意盡鴈來愁望時商山紫芝客應不向秋悲

調樂天初冬早寒見寄

乍起衣猶冷微吟帽半欹霜凝南屋瓦雞唱後園枝洛水碧雲曉吳宮黃葉時兩傳千里意書札不如詩

和令狐相公郡齋對紫薇花

明麗碧天霞丰茸紫綬花香聞荀令宅艷入孝王家幾

歲自榮樂

一作辱

高情方歎嗟有人移上苑猶足占年華

令狐相公俯贈篇章斐然仰謝

鄂渚臨流別梁園衝雪來旅愁隨凍釋歡意待花開城  
曉烏頻起池春鴈欲回飲和心自醉何必管弦催

酬令狐相公早秋見寄

公來第四秋樂國號無愁軍士遊書肆商人占酒樓熊  
羆交黑稍賓客滿青油今日文章主梁王不姓劉

和令狐相公入潼關

寒光照旌節  
關路曉無塵  
吏謁前丞相山  
迎舊主人東  
瞻軍府  
靜西望  
勅書頻  
心共黃河水  
同昇天漢津

和令狐相公尋白閣老見留小飲因贈

傲士更逢酒樂天  
仍對花文章管星歷  
情興占年華  
宦達翻思退  
名高却不誇  
惟存浩然氣  
相共賞煙霞

酬令狐相公雪中遊玄都見憶

好雪動高情  
心期在玉京  
人披鶴氅出馬踏象筵  
行照耀樓臺  
變淋漓松桂清玄都  
留五字使入步虛聲

和令狐相公以司空襄相見招南亭看雪四韻  
重門不下關樞務有餘閒上客同看雪高亭盡見山瑞  
呈霄漢外興入笑言間知是平陽會人人帶酒還

和鄆州令狐相公春晚對花

朱門退公後高興對花枝望闕無窮思看書欲盡時舍  
芳朝競發凝豔晚相宜人意殷勤惜狂風豈得知

酬令狐相公春日言懷見寄

前陪看花處鄰里近王昌今想臨戎地旌旗出汶陽營

飛柳絮雪門耀戟霜東望清河水心隨扁上郎

途次大梁雪中奉天平令狐相公書問兼示新  
什因思曩歲從此拜辭形於短篇以申仰謝

遠守宦情薄故人書信來共曾花下別今獨一作雪中坐  
回紙尾得新什眉頭還暫開此時同鴈鷺池上一徘徊

酬令狐相公秋懷見寄

寂寞蟬聲靜差池燕羽回秋風憐越絕朔氣想臺駘相  
去數千里無因同一杯殷勤望飛鴈新自塞垣來

酬大原令狐相公見寄

書信來天外瓊瑤滿匣中衣冠南渡遠旌節北門雄鶴  
唳華亭月馬嘶榆塞風山川幾千里惟有兩心同

酬令狐相公歲暮遠懷見寄

依韻

別侶孤鶴怨冲天威鳳歸容光一以間夢想是耶非芳  
訊遠彌重知音老更稀不如湖上鴈北向整毛衣

酬令狐相公親仁郭家花下即事見寄

荀令園林好山公遊賞頻豈無花下侶遠望眼中人斜

日漸移影落英紛委塵一吟相思曲惆悵江南春

酬令狐相公首夏閒居書懷見寄

蕙草芳未歇綠槐陰已成金罍惟獨酌瑤瑟有離聲翔  
泳各殊勢篇章空寄情應憐三十載未變使君名

貞元  
中自

郎官出守至

今三十一年

酬令狐相公庭前白菊花謝偶書所懷見寄

數叢如雪色一旦冒霜開寒榮差池落清香斷續來思  
深含別怨芳謝惜年催千里難同賞看看又早梅

酬令狐相公季冬南郊宿齋見寄

壇下雪初霽南城凍欲生齋心祠上帝高步領名卿沐浴含芳澤周旋聽佩聲猶憐廣平守寂寥竟何成

貞元中侍郎舅氏牧華州時余再忝科第前後由華觀謁陪登伏毒寺屢焉亦曾賦詩題於梁棟今典馮翊暇日登樓南望三峰浩然生思追想昔年之事因成篇題舊寺

曾作關中客頻經伏毒巖晴煙沙苑樹晚日渭川帆昔

是青春貌今悲白雪鬢郡樓空一望含意卷高簾

酬令狐相公杏園花下飲有懷見寄

年年曲江望花發即經過未飲心先醉臨風思倍多三  
春看又盡兩地欲如何日望長安道空成勞者歌

令狐相公見示題洋州崔侍郎宅雙木瓜花頃

接侍郎同舍陪宴樹下吟翫來什輒成和章

金牛蜀路遠玉樹帝城春榮耀生華館逢迎欠主人簾  
前疑小雪牆外麗行塵來去皆回首情深是德鄰

和令狐相公春早朝回鹽鐵使院中作

柳動御溝清威遲堤上行城隅日未過山色雨初晴鶯  
避傳呼起花臨府署明簿書盈几案要自有高情

和令狐僕射相公題龍回寺

茲地回鑾日皇家禪聖時路無胡馬跡人識漢官儀天  
子旌旗度法王龍象隨知懷去家歎經此益遲遲

相公  
家本

咸陽有喬  
木之息

令狐相公頻示新什早春南望遐

一作遙

想漢中

因抒短章以寄情愫

一作  
誠素

軍城臨漢水旌旆起春風遠思見江草歸心看塞鴻野  
花沿古道新葉映行宮惟有詩兼酒朝朝雨不同

和令狐相公詠梔子花

蜀國花已盡越桃今已開色疑瓊樹倚香似玉京來且  
賞同心處那憂別葉催佳人如擬詠何必待寒梅

酬令狐相公新蟬見寄

相去三千里聞蟬同比時清吟曉露葉愁噪夕陽枝忽

爾弦斷絕俄聞管參差洛橋碧雲晚西望佳人期

諴樂天閒臥見寄

散誕向陽眠將閒敵地仙詩情茶助爽藥力酒能宣風  
碎竹間日露明池底天同年未同隱緣欠買山錢

諴樂天小亭寒夜有懷

寒夜陰雲起疎林宿鳥驚斜風閃燈影迸雪打窗聲竟  
夕不能寐同年知此情漢皇無奈老何況本書生

將之官留辭襄令公留守

祖帳臨伊水前旌指渭河風煙里數少雲雨別情多重  
疊受恩久遭回如命何東山與東閣終冀再經過

謝喜相遇同州與樂天替代

舊託松心契新交竹使符行年同甲子筋力羨丁夫別

後詩成帙擣來酒滿壺今朝停五馬不獨為羅敷

前章所言

春草白君之舞  
妓也故有此答

閒坐憶樂天以詩問酒熟未

案頭開縹帙肘後檢青囊惟有達生理應無治老方減

書存眼力省事養心王君酒何時熟相攜入醉鄉

秋中暑退贈樂天

暑服宜秋著清琴入夜彈人情皆向菊風意欲摧蘭歲  
稔貧心泰天涼病體安相逢取次第却甚少年歡

樂天池館夏景方妍白蓮初開綠舟空泊惟邀  
緇侶因以戲之

池館今正好主人何寂然白蓮方出水碧樹未鳴蟬靜  
室宵聞磬齋厨晚絕煙蕃僧如共載應不是神仙

酬樂天感秋涼見寄

庭晚初辨色林秋微有聲槿衰猶強笑蓮迥却多情簷燕歸心動韞鷹俊氣生閒人占閒景酒熟且同傾

秋晚新晴夜月如練有懷樂天

雨歇晚霞明風調夜景清月高微暉散雲薄細鱗生露草百蟲思秋林千葉聲相望一步地脉脉萬重情

新秋對月寄樂天

月露發光彩此時方見秋夜涼金氣應天靜火星流蛩

響偏依井螢飛直過樓相知盡白首清景復追遊

調樂天小臺晚坐見憶

小臺堪遠望獨上清秋時有酒無人勸看山祗自知幽  
禽轉新竹孤蓮落靜池高門勿遽掩好客無前期

早秋雨後寄樂天

夜雲起河漢朝雨灑高林梧葉先風落草蟲迎濕吟簾  
涼扇恩薄室靜琴思深且喜炎前別安能懷寸陰

秋晚病中樂天以詩見問力疾奉酬

耳虛多聽遠展轉晨雞鳴一室背燈卧中宵掃葉聲蘭芳經雨敗鶴病得秋輕肯踏衡門草惟應是友生

和樂天燒藥不成命酒獨醉

九轉欲成就百神應主持嬰啼鼎上去老貌鏡前悲却顧空丹竈回心向酒卮醺然耳熱後暫似少年時

元日樂天見過因舉酒為賀

漸入有年數喜逢新歲來震方天籟動寅位帝車回門卷掃殘雪林園驚早梅與君同甲子壽酒讓先杯

訓馬大夫以愚獻通草芨莫酒感通拔二字因  
而寄別之作

泥沙難振拔誰復問窮通莫訏提壺贈家傳枕麴風成  
謠獨酌後深意片言中不進終無已應須苟令公

奉和司空裴相公中書即事通簡舊僚之作

譚笑在巖廊人人盡所長儀形見山立文字動星光日  
運丹青筆時看赤白囊佇聞戎馬息入賀領駕行

微之鎮武昌中路見寄藍橋懷舊之作悽然繼

和兼寄安平

今日油幢引他年黃紙追同為三楚客獨有九霄期宿  
草恨長在傷禽飛尚遲武昌應已到新柳映紅旗

將赴蘇州途出洛陽留守李相公累申宴餞寵  
行話舊形於篇章謹抒下情以申仰謝

歲杪風物動雪餘宮苑晴兔園賓客至金谷管弦聲洛  
水故人別吳宮新燕迎越郎憂不淺懷袖有瓊英

牛相公留守見示城外新墅有溪竹秋月親情

多往宿遊恨不得去因成四韻兼簡洛中親故

之什兼命同作

別墅洛城外月明村野通光輝滿地上絲管發舟中堤  
艷菊花露島涼松葉風高情限清禁寒漏滴深宮

牛相公林亭雨後偶成

飛雨過池閣浮光生草樹新竹開粉奩初蓮熟香注野  
花無時節水鳥自來去若問知境人人間第一處

酬滑州李尚書秋日見寄

一入石渠署三聞宮樹蟬丹霄未得路白髮又添年雙  
節外臺貴孤簫中禁傳徵黃在旦夕早晚發南燕

和西川李尚書漢州微月遊房太尉西湖

木落漢川夜西湖懸玉鈎旌旗環水次舟檝泛中流目  
極想前事神交如共遊瑤琴久已絕松韻自悲秋

和重題

林端落照盡湖上遠嵐清水榭芝蘭室仙舟魚鳥情人  
琴久寂寞煙月若平生一泛釣璜處再吟鏘玉聲

卷三十五  
酬李相公喜歸鄉國自鞏縣夜泛洛水見寄

鞏樹煙月上清光含碧流且無三已色猶泛五湖舟鵬  
息風還起鳳歸林正秋雖攀小山桂此地不淹留

和李相公平泉潭上喜見初月

家山見初月林壑悄無塵幽境此何夕清光如為人潭  
空破鏡入風動翠蛾嚬會向瑣窗望追思伊洛濱

和李相公初歸平泉過龍門南嶺遙望山居即

事

暫別明庭去初隨優詔還曾為鵬一作鳥賦喜過鑾龍

鵬

山新墅煙火起野程泉石間巖廊人望在只得片時閒

和李相公以平泉新墅獲方外之名因為詩以

報洛中士君子兼見寄之什

業繼韋平後家依寃閭間恩華辭北第瀟灑愛東山滿  
室圖書在入門松菊閑垂天雖暫息一舉出人寰

發蘇州後登虎丘寺望海樓一作望

梅樓

獨宿望海樓夜深珍木冷僧房已閉戶山月方出嶺碧

池涵劍彩寶刹搖星影却憶郡齋中虛眠此時景

松江送處州奚使君

吳越古今路滄波朝夕流從來別離地能使管弦愁江  
草帶煙暮海雲含雨秋知君五陵客不樂石門遊

題報恩寺

雲外支硎寺名聲敵虎丘石丈留馬跡峰勢聳牛頭泉  
眼潛通海松門預帶秋遲回好風景王謝昔曾遊

罷郡姑蘇北歸渡揚子津

幾歲悲南國今朝賦北征歸心渡江勇病體得秋輕海

濶石門小城高粉堞明金山舊遊寺過岸聽鐘聲

故國荒臺在前臨震澤波綺羅隨世盡麋鹿古時多築  
用金鉗力椎因石鼠窠昔年雕輦路惟有采樵歌此首一作

姑蘇

尋汪道士不遇

仙子東南秀泠然善馭風笙歌五雲裏天地一壺中受  
錄金華洞焚香玉帝宮我來君閉戶應是向崆峒

臺詩

謝柳子厚寄壘石硯

常時同硯席寄硯一作此

感離羣

清越敲寒玉參差壘碧

雲烟嵐餘斐亹水墨兩氤氳好與陶貞白松窓寫紫文

元日感懷

振蟄春潛至湘南人未歸身加一日長心覺去年非燎  
火委虛燼兒童銜彩衣異鄉無舊識車馬到門稀

謝宣州崔相公賜馬

浮雲金絡膝一作膚昨日別朱輪銜草如懷戀嘶風尚意

頻曾將比君子不是換佳人從此西歸路應容躡後塵

南中書來

君書一作來問風俗此地接炎州淫祀多青鬼居人少白

頭旅情偏在夜鄉思豈惟秋每羨朝宗水門前盡日流

題招隱寺

隱士遺塵在高僧精舍開地形臨渚斷江勢觸山回楚  
野花多思南禽聲例哀殷勤最高頂間即望鄉來

思歸寄山中友人

蕭條對秋色相憶在雲泉木落病身死

一作起

潮平歸思

懸涼鐘山頂寺暝火渡頭船此地非吾土間留又一年

有感

死且不自覺其餘安可論昨宵鳳池客今日雀羅門騎  
吏塵未息銘旌風已翻平生紅粉愛惟解哭黃昏

途次敷水驛伏覩華州舅氏昔日行縣題詩處

潛然有感

昔日股肱守朱輪茲地遊繁華日已謝章句此空留蔓

草佳城閉故林棠樹秋今來重垂淚不忍過西州

奉和鄭相公以考功十弟山薑花俯賜篇詠  
採擷黃薑樂封題青瑣闈共聞調膳日正是退朝歸響  
為纖筵發情隨綵翰飛故將天下寶萬里與光輝

題淳于髡墓

生為齊贊婿死作楚先賢應以客卿一作鄉葬故臨官道  
邊寓言本多興放意能合權我有一石酒置君墳樹前


御定全唐詩卷三百五十八

謹案卷三百五十六第十四頁後八行別來已渡

江南春按原集已渡作幾度

第二十五頁後一行四言刊本言訛首今改





總校官庶吉士臣張能照

校對官中書臣張 壽

謄錄監生臣王朝寧